

**Sulisartup sunniuteqarfiginngisaanik piffissami sivikitsumi tunisassiornermik unitsitsigallarnek pissutigalugu angerlartitaanermi suliffeqarnermi ikiorsiissutinik pissarsisinnanarup annertusitinneqarnissaa, suliffeqarfinni suugaluartuniluunniit sulianut suugaluartunulluunniit atuutsinneqalernissaa anguniarlugu sulinermi ikiorsiissutit pillugit Inatsisartut inatsisaata nr. 2 maajip 15-ianeersup 2014 allangortinneqarnissaanik kingusinnerpaamik UPA2020-imi siunnersuuteqaqqullugit Naalackersuisut peqquneqarnissaanik Inatsisartut aalangiiffigisassaattut siunnersuut (Inatsisartuni ilaasortaq Doris Jakobsen, Siumut)**

### **Akissuteqaat**

(Aatsitassanut Suliffeqarnermullu Naalackersuisoq)

### **Aappassaaneerinnineq**

Naalackersuisut sinnerlugit Inuussutissarsiornermut Aatsitassanullu Ataatsimiititaliaq qutsavigissavara peqqissaartumik siunnersuummik matuminnga suliaqarsimaneranik. Ilanngullugulu qujassutigissavara allannguutissatut siunnersuut ataatsimiititaliamit isumaqatigiittumit innersuunneqarmat.

Naalackersuisoqarfiit assigiinngitsut akimorlugit Naalackersuisut suliniutaat “Imminut pilersortuuneq annerusoq” Inatsisartunit annertuumik soqutigineqartoq paasillugu nuannaarutissaavoq.

Naalackersuisut ataatsimiititaliap allannguutissatut siunnersuutaata akuersissutigineqarnissaa inassutigissavaat, iluarisimaarlugulu oqaatigissallugu ataatsimiititaliap tunngavilersuutai pitsaasut ajornartorsiutip sammisatta assigiinngisitaartunik tunngaveqarneranut taamalu naalackersuisoqarfiit assigiinngitsut suliassaqarfii akimorlugit peqatigiinnissap pingaarutai, suliniummi “Imminut pilersortuuneq annerusoq” siunnersuutillu aningaasatigut kingunerisassai eqqarsaatigalugit.

Erseqqissaatigissallugu pissusissamisuussaaq suliniut “imminut pilersortuuneq annerusoq” pinngitsoorani Suliffeerunnermi ikiorsiissutit pillugit Inatsisartut inatsisaata nr. 2, 15. maj 2014-imeersup allangortinneqarnissaanik inassuteqaatinik kinguneqartussaannngimmat , inassuteqaatilli nutaamik inatsisiliornissamut siunnersuummik kinguneqarsinnaasut.

Taamatut naatsunik oqaaseqarlunga siunnersuut Inatsisartuni suliarineqarnissaanut tunniuppara.